

JKP "Vodovod" d.o.o. Cazin
Lojička bb
77220 Cazin

Na osnovu članova 234. i 303. Zakona o privrednim društvima (Službene novine FBiH, broj: 81/15 i 75/21), člana 21. Statuta JKP „Vodovod“ d.o.o. Cazin, broj: 21-11-3-S/18 od 08.06.2018. godine, broj: 21-19-1/21 od 30.09.2021. godine i broj: 21-21-01/23 od 30.11.2023. godine i Odluke Skupštine Preduzeća, broj: 21-25-01/24 od 29.02.2024. godine, JKP „Vodovod“ d.o.o. Cazin raspisuje

JAVNI KONKURS

za izbor i imenovanje članova Nadzornog odbora JKP „Vodovod“ d.o.o. Cazin

I

Raspisuje se javni konkurs za izbor i imenovanje 3 (tri) člana Nadzornog odbora JKP „Vodovod“ d.o.o. Cazin.

II

Javni konkurs će se raspisati u skladu sa općim i posebnim uslovima određenim zakonom i posebnim uslovima određenim ovom Odlukom, a bit će objavljen u “Službenim novinama F BiH”, u jednom dnevnom listu koji izlazi na prostoru Federacije BiH i na web stranici Preduzeća, te ostaje otvoren 15 dana od dana objave koja je posljednja.

III

Mandat imenovanim članovima Nadzornog odbora traje do isteka mandata ostalim članovima Nadzornog odbora, tj. do 14.03.2028. godine.

Predsjednika Nadzornog odbora bira Nadzorni odbor između svojih članova većinom glasova.

Nadzorni odbor, ili njegov pojedini član, može biti razriješen i prije isteka perioda na koji je imenovan iz razloga predviđenih Zakonom i Statutom Preduzeća..

IV

Opis pozicije za koju se vrši imenovanje:

Pored nadležnosti utvrđenih Zakonom o privrednim društvima F BiH, Zakonom o javnim preduzećima F BiH i Statutom Preduzeća, Nadzorni odbor ima i sljedeće nadležnosti:

- nadzire poslovanje Preduzeća, usvaja poslovne strategije Preduzeća i planove poslovanja,
- nadzire rad Uprave Preduzeća, te odobrava odluke strateškog karaktera,
- nadzire Odbor za reviziju, te interne revizore u njihovom radu, zadacima i izvještajima,
- usvaja izvještaj Uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije,
- podnosi Skupštini godišnji izvještaj o poslovanju Preduzeća koji obavezno uključuje finansijski izvještaj i izvještaje revizora, Nadzornog odbora i Odbora za reviziju,
- bira predsjednika Nadzornog odbora,
- imenuje i razrješava Upravu Preduzeća u skladu s postupcima utvrđenim u poslovnici, odnosno važećim propisima, predlaže raspodjelu i način upotrebe dobiti i način pokrića gubitka,

- odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine Preduzeća po bilansu stanja na kraju prethodne godine,
- utvrđuje cijenu pratećih usluga koje Preduzeće obavlja,
- predlaže Skupštini kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine Preduzeća po bilansu stanja na kraju prethodne godine,
- saziva Skupštinu Preduzeća,
- razmatra provedbeni propis za postupak nabavki, nadzire njegovo provođenje i razmatra izvještaje o nabavci,
- daje ovlaštenja za aktivnosti Društva koje su ograničene na osnovu odredbi Zakona o javnim preduzećima u F BiH,
- rješava o žalbi protiv prvostepenog rješenja koje donosi direktor ako zakonom ili drugim aktom nije propisano da o žalbi rješava drugi organ,
- daje upute direktoru za provođenje preporuka u vezi sa uočenim nepravilnostima,
- nadzire Upravu u provođenju preporuka datih od strane Odbora za reviziju te vanjskog revizora sa specifičnim rokovima,
- daje instrukcije organima Preduzeća radi otklanjanja nepravilnosti u radu,
- obavlja druge poslove predviđene Zakonom o javnim preduzećima, Zakonom o privrednim društvima i Statutom Preduzeća.

V

Uslovi koje moraju ispunjavati kandidati su sljedeći:

a) Opći uslovi:

1. da je državljanin Bosne i Hercegovine
2. da je stariji od 18 godina

b) Posebni uslovi:

1. da ima visoku stručnu spremu u zanimanju društvenog, ekonomskog ili tehničkog smjera, VII stepen obrazovanja (ekvivalent Bolonjskog sistema studiranja sa ostvarenih 180 ECTS bodova)
2. da ima najmanje jednu godinu radnog iskustva nakon sticanja visoke stručne spreme
3. da nije predsjednik ili član nadzornog ili upravnog odbora drugog društva ili institucije
4. da ne obnaša javnu funkciju izabranog dužnosnika, nosioca izvršne funkcije ili savjetnika, trenutno, niti je obnašao u periodu od najmanje šest mjeseci koji su prethodili objavi konkursa
5. da u posljednjih pet godina nije osuđivan za krivično djelo i za prekršaj nespojiv sa dužnošću u nadzornom odboru, isključujući vrijeme zatvorske kazne
6. da mu nije presudom suda zabranjeno obavljanje aktivnosti u nadležnosti nadzornog odbora
7. da je prošao odgovarajuće usavršavanje propisano Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala („Službene novine F BiH“, broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).

VI

Kandidati su dužni priložiti slijedeće dokumente:

1. Pisana prijava na konkurs koja sadrži kontakt podatke kandidata, kratku biografiju kandidata i popis dokumenata koji se dostavljaju uz prijavu
2. Ovjerena kopija lične karte (ne starija od 6 mjeseci)
3. Potvrda o prebivalištu- obrazac PBA3 CIPS prijava, (original ili ovjerena kopija, ne starija od 3 (tri) mjeseca);
4. Uvjerenje o državljanstvu BiH, iz matične evidencije (original ili ovjerena kopija, ne starije od 6 mjeseci)
5. Ovjerena kopija diplome o stečenoj stručnoj spremi
6. Uvjerenje poslodavca ili nadležne ispostave PIO (original ili ovjerena kopija, ne stariji od 6 mjeseci)
7. Izjava kandidata sa ovjerom potpisa da nije predsjednik ili član nadzornog ili upravnog odbora drugog društva ili institucije (original)
8. Izjava kandidata sa ovjerom potpisa da ne obnaša javnu funkciju izabranog dužnosnika, nosioca izvršne funkcije ili savjetnika, trenutno, niti je obnašao u periodu od najmanje šest mjeseci koji su prethodili objavi konkursa (original)
9. Certifikat o završenom stručnom usavršavanju propisano Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala („Službene novine F BiH“, broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22) (u daljem tekstu: “Uredba”) (ovjerena kopija) ili
uvjerenje o završenom usavršavanju propisanom Uredbom, koje mijenja certifikat o završenom usavršavanju do njegovog izdavanja, a čiji je rok važenja najviše 30 dana ili
izjavu ovjerenu kod nadležnog organa kojom se kandidat obavezuje da će u roku od šest mjeseci proći usavršavanje propisano Uredbom i steći certifikat o završenom stručnom usavršavanju (izjava ne starija od dana objave ovog javnog konkursa).

Kandidat koji bude izabran, dužan je dostaviti:

1. Potvrdu nadležnog MUP-a, da u posljednjih pet godina nije osuđivan za krivično djelo i za prekršaj nespojiv sa dužnošću u nadzornom odboru, isključujući vrijeme zatvorske kazne. (original, ne starija od 3 mjeseca)
2. Potvrdu nadležnog MUP-a, da mu nije presudom suda zabranjeno obavljanje aktivnosti u nadležnosti nadzornog odbora (original, ne starija od 3 mjeseca)

VII

Svi kandidati čije prijave budu blagovremene i potpune, biće obavješteni o mjestu i vremenu održavanja intervjua.

Nijedan kandidat nema pravo na povrat dostavljene dokumentacije.

Lični podaci o učesnicima u javnom konkursu su tajni i mogu se prikupljati i obrađivati u skladu sa Zakonom o zaštiti ličnih podataka BiH („Službeni glasnik BiH“, br.49/06, 76/11 i 89/11).

VIII

Na intervjuu će se provjeravati posjedovanje znanja o:

- radu i nadležnostima organa upravljanja i upravljačkoj strukturi u privrednim društvima/javnim preduzećima

- osnovima građanskog i privrednog prava
- osnovima računovodstva
- osnovima poslovnih i javnih finansija
- osnovima upravljanja/menadžmenta.

IX

Postupak za izbor i imenovanja provodi Skupština Preduzeća, koja nakon provedenog postupka donosi Odluku o konačnom imenovanju članova Nadzornog odbora.

X

Imenovani članovi Nadzornog odbora zaključuju ugovor o pravima i obavezama sa JKP „Vodovod“ d.o.o. Cazin.

Članu Nadzornog odbora pripada naknada za rad koja, prema Odluci Skupštine Preduzeća, broj: 1-8-1/19 od 14.03.2019. godine iznosi 150,00 KM mjesečno, ukoliko je održana barem jedna sjednica u mjesecu na kojoj je član bio prisutan.

XI

Kandidati dostavljaju prijave u zatvorenoj koverti, s naznakom „Prijava na konkurs za člana Nadzornog odbora“, lično na protokol Preduzeća ili preporučenom poštanskom pošiljkom, na adresu:

JKP „Vodovod“ d.o.o. Cazin
Lojička bb
77220 Cazin



"JKP „VODOVOD“ d.o.o. Cazin